

Тос болн ээзгä кедж гаргългъар дöрлдän делгрүлгдджәнä

Карачаево-Черкесск автономн областин Исправненск тос, ээзгä кедж гаргълг заводин коллектив нидн джилä зурагъан давулдж кўцäв. Тос гаргългъна зурагъан 130,8 процент, ээзгä—104,9 процент кўргдж кўцäв.

Одахн заводин кöдлмшчрин хург болв. Тер хург дер шин даалгъвр авб, дакад крайин, цуг тос болн ээзгä гаргългъна промышленностин кöдлäчнрүр дуудвр кев. Исправненск заводин кöдлäчнр тос болн ээзгä гаргългъна зурагъан давулдж кўцäхär шиидцхäv. Джилä зурагъан, 1958

джилин ноябрь сарин нег шин кўртл кўцäгъад, зурагъас үлү 700 миньгън арслнъ мöнъгнä продукц гаргълг, эн джилин негдгч кварталин зурагъан СССР-н Деед Советин суньгъвр кўртл кўцäхär шиидцхäv.

Кўч-кöлснä производительностиг 3 процент öдлүлх, тос болн ээзгä гаргългъна үниг 1,2 процент багърулхмн гидж даалгъвр авб.

Авсн даалгъвран кўцäхин тöлä тос болн ээзгä гаргългъна Исправненск заводин коллектив шунлтта кевär кöдлджäцхәнä. Эн джилин нег сара зурагъан январин 25-д кўцäв.